

DISSERTATIO INAVGVRALIS IVRIDICA

DE

DIVERSA FVRTI
SECVNDVM JVS CIVILE

ET

GERMANICVM IDEA,

QVAM

CONSENTIENTE

ILLVSTRI FCTORVM ORDINE

IN ACADEMIA ERFORDIENSI,

PRÆSIDE

DN. TOBIA JAC. REINHARTH,

JCTO, COM. PALAT. CÆS. IVRID. FACVLTV. ASSESSORE, ET CODIC. PROF.

PVBL. ORD. NEC NON CIVITATIS STNDICO

ET CONSVLE,

IN AVDITORIO JCTORVM MAJORE

PRO GRADV ET PRIVILEGIIS

DOCTORIS

PLACIDÆ ERVDITORVM VENTILATIONI

SVBMITTIT

GOTTFR. REINHARD SCHOLZ,

SERENISSIMO DVCI SAXO-VERFVRTENSI A COMMISSIONVM

CONSILIIS.

DIE XVIII. JULII M DCC XXIX.

ERFORDIÆ,

Litteris GROSCHIANIS, Acad. Typogr.



AS

ASTOR LENOX AND TILDEN FOUNDATIONS
155 E. 42ND STREET
NEW YORK 17, N. Y.

1911

THE NEW YORK PUBLIC LIBRARY
ASTOR LENOX AND TILDEN FOUNDATIONS
155 E. 42ND STREET
NEW YORK 17, N. Y.

THE NEW YORK PUBLIC LIBRARY
ASTOR LENOX AND TILDEN FOUNDATIONS
155 E. 42ND STREET
NEW YORK 17, N. Y.

THE NEW YORK PUBLIC LIBRARY
ASTOR LENOX AND TILDEN FOUNDATIONS
155 E. 42ND STREET
NEW YORK 17, N. Y.

THE NEW YORK PUBLIC LIBRARY
ASTOR LENOX AND TILDEN FOUNDATIONS
155 E. 42ND STREET
NEW YORK 17, N. Y.

THE NEW YORK PUBLIC LIBRARY
ASTOR LENOX AND TILDEN FOUNDATIONS
155 E. 42ND STREET
NEW YORK 17, N. Y.

THE NEW YORK PUBLIC LIBRARY
ASTOR LENOX AND TILDEN FOUNDATIONS
155 E. 42ND STREET
NEW YORK 17, N. Y.

THE NEW YORK PUBLIC LIBRARY
ASTOR LENOX AND TILDEN FOUNDATIONS
155 E. 42ND STREET
NEW YORK 17, N. Y.

THE NEW YORK PUBLIC LIBRARY
ASTOR LENOX AND TILDEN FOUNDATIONS
155 E. 42ND STREET
NEW YORK 17, N. Y.

THE NEW YORK PUBLIC LIBRARY
ASTOR LENOX AND TILDEN FOUNDATIONS
155 E. 42ND STREET
NEW YORK 17, N. Y.

CONSPECTVS DISSERTATIONIS.

Prudentiæ legislatoriæ est, non solum pœnas delictis minari, sed & ipsa delicta, quibus pœna infligi debeant, certo determinare, §. I.

Probaturs id, & inde inferitur, diversam sæpe unius delicti in diversis rebus publicis esse ideam, §. II.

*Exempli loco adducitur idea furti, quod Romani conside-
rarunt tanquam delictum
privatum, & ob id ejus
ideam extenderunt latissi-
me, §. III.*

De furto possessionis, §. IV.

De furto usus, §. V.

*Ideæ furti Jure Romano tam
late patentis ratio, §. VI.*

*E contrario Germani furtum
crimen publicum esse volue-
runt, §. VII.*

*Satisfactionem vero læsi secun-
dario saltem respexerunt:
sicut Romani satisfactionem*

*læsi primario respicientes
secundario etiam respicie-
bant ad vindictam publi-
cam, §. VIII.*

*Ergo Germani ideam furti lon-
ge strictius concipere soliti
sunt, & latior illa Romano-
rum de furto idea ad Jura
Germaniæ non quadrat,
§. IX.*

*Ostenditur id exemplo furti
usûs in commodato, §. X.*

*Occurritur dubio de furto usûs
in deposito, §. XI.*

*Solum furtum rei Jure Ger-
manorum furtum est, exclu-
so furto usûs & possessionis,
§. XII.*

*Furtum rei duplex, ordina-
rium, & extraordinarium,
§. XIII.*

*De furto extraordinario pri-
vati Germanorum leges,
§. XIV.*

(a)

Consti-

(0)

*Constitutio Caroli V. Caesaris
de hoc furto, §. XV.*

*Pœna ejus extraordinaria est,
etiam in Saxonia, quod
confirmatur exemplo crimi-
nis de residuis, ut & nuntii
furis, §. XVI.*

*Pœna illa extraordinaria ab
arbitrio judicis pendet re-
gulariter, nisi princeps de-
terminaverit certam, §.
XVII.*

*An Constitutio Saxonica 41.
part. 4. de solo crimine de
residuis intelligenda sit, an
etiam de perfidia privato-
rum erga se invicem? Vi-
detur primo intuitu poste-
rius verum, §. XVIII.*

*Ast rectius nihilominus asserti
videtur prius, §. XIX.*

*Id quod illustratur exemplis,
§. XX. XXI.*

§§ (0) §§

§. I. Cum



§. I.



Um poenas delictis modo rigidiores, modo mitiores, statuere jubet legislatoris justī & prudentis officium, prout unumquodque delictum vel magis vel minus frequens, & reipublicæ noxium est; judex vero poenam unamquamque cuicunque delicto lege publica statutam decernere nequeat, nisi certo constet, factum, quod reus perpetravit, esse id ipsum delictum, cui illa poena lege dictata est: prudentiæ legislatoriæ erit, non solum poenas sancire gravitati cujusque delicti justa proportionē respondentes, sed & unumquodque delictum, cui irrogari hæc vel illa poena debeat, certo & liquido satis determinare.

§. II.

Omnis poena humana est Juris positivi humani. Etsi enim delicta esse punienda, Jure divino præceptum est: quoniam tamen poenarum genere in quodvis delictum animadvertendum sit, Jus divinum, uni-

versale nempe, neutiquam definit, sed id pro diversitate partim detrimenti ex quovis delicto reipublicæ imminenti, quod modo majus modo minus esse potest, partim morum gentium, diverso pruritu in diversa delicta pronarum, prudentiæ legislatoriæ humanæ definiendum reliquit. Unde cum (per §. I.) ei, qui poenam delicto statuit, incumbat, ipsum delictum, cui ea poena irrogari debeat, certo & liquido determinare; omnem vero poenam, uti dictum, jus humanum statuat: omnis uniuscujusque delicti determinatio vel definitio, quam sequi in foro criminali fas sit, à Jure humano dependebit. Et quoniam Jus humanum variat pro diversitate rerumpublicarum: sequitur varias etiam pro eadem diversitate esse posse & solere, & poenas, & delictorum determinationes secundum requisita essentialia, quæ in unoquoque adesse debeant, adeo, ut sæpiuscule unius ejusdemque delicti idea in una republica modo latius pateat, modo strictius contineatur, quam in altera.

§. III.

Exemplo nobis esto crimen furti, quod Jus Romanorum Civile ad delictorum privatorum censum refert, quibus directe non tam rempublicam, quam cives singulos, lædi supponit, quæque adeo dictum Jus non judicio publico poenæque publica, sed actione civili & privata, ad poenam pecuniariam læso à reo persolvendam tendente vindicat. Tantilla itaque cum esset Romanorum in furti crimen animadversio: in tantam sanè latitudinem definitionem ejus extendunt; ut omnem fere dolum in contractibus, ex quibus

bus res alterius penes alterum est, comprehenderet. Ita enim furtum definiverunt, quod sit contrectatio fraudulosa vel ipsius rei alienæ, vel etiam usus ejus, possessionisve, lucri faciendi gratia, §. 1. *J. de obligat. quæ ex delicto*. l. 1. §. 3. *ff. de furt.*

§. IV.

Furtum ergo dixerunt, quamcunque dolosam rei alienæ contrectationem; & per rem alienam non solum eam intellexerunt, quæ in alterius, læsi nempe, dominio sit, sed & in qua læsus quodcunque aliud jus in re habeat. Sic cum creditori in pignore competat jus in re: non solum tertius, sed & ipse debitor, pignus surripiendo furtum Jure Civili committit, l. 12. §. 2. l. 19. §. 5. *ff. de furt.* Pari ratione cum possessori bonæ fidei jus possessionis competat: quicumque ipsi rem, utut nondum usucaptam, bona tamen fide interim possessam dolose abstulerit, si vel maxime ipse rei dominus id fecerit, furti tenetur, l. 20. §. 1. *ff. Eod.* Quin & intuitu juris ad rem ex contractu resultantis, furti actio unicuique competit, cujus interest, respectu juris ad rem quod habet, rem salvam esse, licet nec dominium, nec aliud jus in re ipsi competat, §. 13. *J. de Obl. quæ ex delicto.* quemadmodum commodatario, quatenus de re commodata furto ipsi ablata, restituenda tenetur, actio furti competit, §. 16. *J. Eod.* & quidem plane etiam contra ipsum commodantem, si commodatarius necessarias in rem fecerit impensas, & commodans his non restitutis rem dolose surripuerit commodatario, l. 15. §. 5. *ff. de furt.* Et hoc ipsum est quod

(1113)

fraudulofam *Poffeffionis* contrectationem Romani dixerunt in definitione allata.

§. V.

Porro quando furtum dolofam rei alienæ contrectationem dixerunt, per generaliorem illam contrectationis notionem non folum ablationem vel amotionem rei ex poffeffione alterius intellexerunt, fed &, fi res aliena ex quacunque iufta caufa penes alterum fit, quemcunque ejus contra fidem contractus abufum: quam furti in foro fuo speciem Romani in definitione §. 3. allegata, contrectationem *Ufus* rei alienæ vocarunt. Sic fi creditor pignore, depositarius re deposita utatur, five commodatarius in alium ufum rem commodatam transferat, quam cujus gratia data eft, furtum committere dicitur, §. 6. *J. de Obl. quæ ex del. l. 54. pr. §. 1. ff. de furt. l. 7. C. Eod. l. 29. pr. ff. Depof. l. 5. §. 8. ff. Commod.* Cum enim pignus folius fecuritatis caufa tradatur creditori, depositum folius custodiæ caufa depositario; creditorem fi pignore, & depositarium fi deposito quomodocunque utatur, *illius ipsius usus* furtum committere Romani crediderunt. Eadem ratione fi ad certum ufum quis alteri rem fuam commodaverit, vel locaverit, & commodatarius vel conductor ad alium ufum eam applicet, *illius ipsius usus* furtum facit.

§. VI.

Nec sane fuis, iisque facis solidis, rationibus Romani deftituti funt, ob quas in tantam latitudinem furti definitionem in foro fuo extenderent. Cum enim,

enim, uti supra §. 3. jam præmonuimus, Romanis placet, furtum tanquam delictum privatum considerare, magisque ad damnum læso illatum, ejusque reparationem, & periculi quod passus erat compensacionem, quam ad detrimentum securitatis publicæ, ejusque turbatæ vindictam publicam respicere, parum sane interesse videbatur, quonam fraudulose rei suæ contrectationis genere læsus damnum pateretur, an ablatione rei, sive in dominio, sive in possessione ejus existentis, an contrectatione usus, animo lucrificandi, invito læso commissæ; cum si solam indemnitatem poenamque privatam, læso à lædente præstandam, cum Romanis potissimum respicias, eadem omnibus his casibus sit ratio, & damni læso reparandi, & dolosi lucrum ex re aliena invito domino captandi propositi, sive quidem ipsius rei, sive possessionis, sive usus cujusdam contrectatione id fiat. Ipsa enim dupli vel quadrupli poena privata, lege Romana statuta, non alium finem, quam privatum respiciebat, cum duplum illud vel quadruplum, actione furti impetrandum, in emolumentum læsi cederet, in compensationem nempe periculi, quod furtiva rei suæ contrectatione passus erat.

§. VII.

Longe aliter furti crimen Germani in foris suis consideraverunt. Cum enim Romani in republica sua, uti patet ex hætenus dictis, eo maxime respexerint, ut læso satisfaceret, & furtum hoc ipso respectu delictum privatum esse jusserint, quod læsus actione furti

ti, poenali quidem, privata tamen & civili, persequi debeat: Germani è contrario satisfactionem privatam læso debitam secundo tantum, primario vero publicam securitatis publicæ tuitionem ac vindictam respexisse videntur. Etenim securitatis publicæ, subditis in bene constituta republica legibus & poenis asserendæ, ratio manifeste requirit, ut unusquisque non solum intuitu vitæ, membrorumque corporis, sed maxime etiam intuitu bonorum suorum, tutus præstetur. Huic tanto bono publico non solum turbæ, & seditionis secessionis, sed & latronum invasiones violentæ, furumque insidiæ & artes, quotidianum periculum maximumque detrimentum minantur: quorum nequitia poenis saltem privatis pecuniariis, ad læsorum indemnitatem & satisfactionem compositis, satis coerceri minime posse visa est; maxime cum vix raro aliquis ex istis nebulonibus tantum in bonis habeat, ut debitam læso indemnitatem præstare possit. Ergo cum publicum securitatis publicæ bonum utilitati privatæ læsi merito anteponendum sit: furtum in criminum publicorum censum referre Germani merito maluerunt, quorum persecutio primario ad perferendam poenam publicam & exemplum tendit: den Dieb soll man henden 10. Land. Recht l. 2. art. 13. pro furti quidem qualitate & quantitate, Ord. Crim. CAROL. art. 160. 162. Const. El. Sax. 32. p. 4. in tantum ut hæredes furis suspensi, ne quidem conditione furtiva ad æstimationem rei furtivæ non amplius extantis, sed consumptæ, læso teneantur, CARPZ. Const. 32. P. 4. def. 23. secundum regulam Juris Germanici vulgatam in Glossa ad

Land.

Land, Recht I. 2, art. 35. Mit dem Tode wettet man dem Richter/ und büßet dem Kläger.

§. VIII.

Enim vero non omnem indemnitis læso debita curam neglexerunt Germanorum mores. Quod si enim vel fur rem furto ablatam restituere læso possit, vel læsus damnum sibi datum furi remisit, aut cum illo eo nomine transegerit, laquei poenam iudex merito mitigat & remittit, *CARPZ. Const. 32. p. 4. def. 6. 7. & 18.* maxime cum & ipse Imperator *Ord. Crim. art. 160.* in irroganda furi ultimi supplicii poena considerare inter alia jubeat. Wie schädlich dem beschädigten der Diebstahl seyn mag. Nihilominus consideratio illa indemnitis privatae secundaria tantum est, nec qualitatem criminis publici, poena publica coercendi, qui nempe finis principalis est, tollit: cum nihilominus poena fustigationis & relegationis decerni iis casibus debeat. Eadem fere ratione, ut in foro Romano furtum pro delicto privato haberetur, & ejus adeo persecutio principaliter ad satisfactionem læsi privatam tenderet: non tamen ideo boni publici respectum plane negligebant Romani, sed si qua occurrebat furi species securitatem vel utilitatem publicam maxime turbans, ex delictorum privatorum censu ad criminum publicorum publicis judiciis vindicandorum, vel saltem ad criminum extraordinariorum classem facinus transferre haud dubitabant; unde tot in criminum publicorum serie furtorum peculiari nomine notatorum species in Jure Romanorum criminali occurrunt, utputa *sacclariorum & directariorum, l. 7. ff. de Extra-*

ord. Crim. violatorum sepulchri, l. 1. ff. de Sepulchr. viol. Abigeorum l. 1. ff. de Abig. furum balneariorum, l. 1. ff. de fur. baln. effractorum & expilatorum, l. 1. ff. d. Effractor. & expil. peculatus, l. 1. ff. ad L. Fals. pecul. criminis de residuis, l. 2. ff. Eod. ut adeo ea maxime Jus Romanorum inter & Germanorum intercedere differentia videatur, quod Romani furtum regulariter & primario pro delicto habuerint privato, extra ordinem vero, secundo, aut per modum quandoque exceptionis, etiam pro publico vel saltem extraordinario: Germani e contrario idem regulariter accensere maluerint criminibus publicis, secundo tamen etiam indemnitas privatae rationem non prius negligere iusserint.

§. IX.
Tanta ergo cum appareat in utraque gente, Romanorum nempe & Germanorum, Juris criminalis circa furtum diversitas, ut scilicet Romani in sua republica furtum regulariter tanquam delictum privatum considerarent, furemque adeo in poenam pecuniariam læso rependendam condemnarent; Germani contra in furtum, tanquam crimen publicum, primario poena publica, laquei, fustigationis, relegationis, carceris, animadvertere severissime soleant; & dicto Romanorum instituto, quo de sola fere satisfactione privata læso præstanda solliciti erant, factum sit, ut ideam furti in tantam illam, quam §. 3. 4. 5. 6. ex Jure Romanorum Civili docuimus, latitudinem extenderent, ut omnem fere dolum in contractibus, quacunque fere illicita rei ex contractu penes alterum existentis, vel ejus possessionis, vel saltem usus, contrectatione sese

EX-

exercentem comprehenderent: quilibet facile judicabit, latissimam illam Juris Civilis Romani de furti crimine ideam ac definitionem male admodum ad forum criminale Germanorum transferri, adeoque iniquissime postulare eos, qui legibus ex Jure Civili perfunctorie acquisitis, quæ secundum ea, quæ hæcenus docuimus, cum grano salis intelligi debebant, quamcunque rerum alienarum, aut earum possessionis, vel usus, contrectationem furti statim & præcipitanter insimulantes, actionem statim criminalem & processum inquisitorium intentant & sollicitant. Et optime sane, utut circa aliam quæstionem, monet CARPZ. *Const. 32. p. 4. def. 23.* Sapienter jam dudum animadvertisse. *§ Ctos Saxonicos in Consuli. Const. Sax. tom. I. part. 4. qu. 56.* Das gemeine Recht (puta Jus Civile Romanum) müsse nicht alle wege in materia furti angesehen und in acht genommen werden / in quo nunc sæpe gravior & imperito peccetur, denn die gemeine Rechte mit ~~Goldes allein den Diebstahl straffen.~~ *§. X.* Ex hoc itaque fundamento primo quidem manifestum est, contrectationem quantumvis fraudulosam, non ipsius rei, sed solius usus aut possessionis, ipsum contrectantem Jure Criminali Germanorum furti reum habundantius, & Jus adeo patrium hoc in passu præ-extraneis Romanorum legibus in foris nostris prævaluisse. Sola enim usus aut possessionis contrectatio, qua non ipsa res sua læso auferitur, sed re domino salva damnum solummodo quomocunque datur, securitatem publicam non turbat, quam solam tanto po-

narum capitalium rigore tueri voluerunt Germani; damina vero, citra furtivas rerum alienarum ablationes, quibuscunque aliis dolosis rerum alienarum, ex contractu penes nos existentium contrectationibus data, actione privata & civili, ad dictorum damnorum reparationem tendente, persequi jasserunt. Ita enim Land. N. l. 3. art. 22. Wer dem andern leihet sein Pferd oder Kleider / zu bescheidenen Tagen / hält ers über die Zeit / und wird er darum beklaget / er muß es zu Hand wieder geben / und bessern / ob er es geergert hat. Dieberey und Raubes mag er ihn aber nicht gezeihen daran / sintemahl daß ers ihm selber liehe. Unterwinden mag sich auch wohl ein Mann seines Gutes mit recht / daß man ihm mit unrecht vorhält über bescheidene Zeit: qui textus clare probat insignem, quam docuimus, differentiam furti, in foris Germanorum ab eodem in foro Romano, quandoquidem Jure Romano, qui amplio rem rei commodatæ usum, quam qui in contractu determinatus est, sibi indulerit, furti utique tenebatur, uti supra §. 5. demonstravimus. Nec obstat, Jure quoque Civili commodatarius, qui re commodata diutius vel aliter utatur, quam utendam acceperit, furtum non committere, si credat, dominum, si intellexerit, permissurum; cum furtum sine affectu furandi non committatur, §. 7. J. de Obl. qua ex del. l. 46. §. 7. l. 76. pr. ff. de furt. de quo casu forte intellectum vellent textum adductum, si qui sint, dissentientes: Thesi enim, Dieberey und Raubes mag er ihn nicht gezeihen / expressa adjicitur ratio, sintemahl daß ers ihm selber liehe / qua innuitur, ideo in casu adducto commodatarius furtum non committere quia ipsam rem domi-

no

no invito *haud abstulerit*; sed a volente acceperit, unde & recte glossa addit: Denn was ein Mann mit seinem Willen geloset/ oder von sich läset/ das stihlet man ihm nit; quæ ratio æque valet; siue commodatarius, re commodata diutius aut aliter, ac conventum fuerat, utens, crediderit, dominum consensurum esse, nec ne.

§. XI.

Quod de commodato dictum, & lege pariter ac rationibus communitum est, idem ob rationum identitatem & de aliis contractibus intelligendum est, ut puta de locatione conductione, de pignore, de deposito. Equidem de deposito aliud primo intuitu disponere videtur *Ordinatio Criminalis Carolina, art. 170.* Welcher mit eines andern Gärthern die ihn in gutem Glauben zu behalten und verwahren gegeben seyn/ williger und gefährlicher weiß dem Gläubiger zu Schaden handelt/ solche Mißthat ist einem Diebstahl gleich zu straffen. Ast considerandum, cum in genere depositario re deposita uti haud liceat, quia custodiæ, non usus gratia, in commodum deponentis, non depositarii, depositum contrahitur; duplici modo depositarium contra fidem contractus peccare hac ratione posse, dum re custodiæ ipsius commissa vel ita uti potest, ut ipsa res, maxime si non sit fungibilis, nihilominus salva deponenti maneat, & restitui ipsi queat; vel ita, ut & ipsam rem in usus suos vertat aut consumat, nec eam adeo restituere valeat. Utroque quidem modo Jure Civili furtum committitur, *l. 29. pr. ff. l. 3. C. Depos.* priori quidem furtum usus, posteriore vero ipsius rei: ast Jure Germanorum, licet de posteriori casu, furtum eo com-

mitti, extraordinarium tamen & improprium; uti ex sequentibus pateſcet, facile conceſſerim, idemque plane etiam de commodato, locatione, aliisque ſimilibus contractibus admiſerim; priori tamen caſu negandum idem eſſe, & allatum adeo Sanctionis Carolinae textum de ſolo caſu poſteriori intelligi debere, ex rationibus Juris Germanici §. præced. allegatis manifeſte ſatis liquet.

§. XII.

Sola itaque in idea ſeu definitione furti, Jure Germanorum remanet dolosa contrectatio *ipſius rei alienæ*, invito domino, animo lucri faciendi commiſſa, detractâ dolosâ ſolius uſus vel poſſeſſionis contrectatione, quam Romani quidem ob rationes §. 6. allegatas ad furtum referebant, Germani autem, ob rationes §. 7. 9. 10. comprobatas, à furti notione excluſerunt, ejusque perſecutionem à foro criminali inquit-torio ad forum Civile actionesque ex contractu inſtituendas ablegarunt. Eſt vero dolosa *ipſius rei alienæ* contrectatio, ſeu brevius furtum rei, (quod furto uſus & poſſeſſionis contradiftinguebant Romani,) contrectatio rei alienæ talis, qua contrectans eum, cujus intereſt, rem ſalvam eſſe, re ſua (mobili quidem) privat in totum, in ſuosque eandem uſus abripit & convertit, vel convertere ſaltem intendit, (ſi nempe rem furtivam caſu forte vel vi majore amiſerit.) Dico, furto lædi quemcunque, cujus intereſt rem ſalvam eſſe; cum furtum committat non ſolum qui ipſi domino, ſed & qui commodatario, conductori, depositario, &c. ad æſtimationem rei non ſatis cuſtoditæ, & hinc fur-

to

to amissæ, obligato rem de qua restituenda domino tenetur, amovet aufertque.

§. XIII.

Illā ipsa vero *ipsius rei* alienæ contrectatio, quam solam Germani per hactenus dicta sub furti notione comprehenderunt, duplici porro modo fieri potest. Vel enim fur ex ipsa læsi possessione rem furtivam amovet aufertque: vel is, qui rem alienam ex justa & innoxia causa, v. g. inventionis, vel plane domino volente & consentiente, detinet, v. g. administrator, depositarius, nuntius, &c. eandem invito domino furtim & dolose sibi capit, consumit, & in usus suos convertit. Ubi maxime quæritur, cum priori casu furtum committi dubio careat, an & in quantum idem etiam posteriori casu asserendum sit? Si rem ex antiquioribus Juris Germanici monumentis inquiras, eaque cum recentioribus Constitutionibus attente conferas, deprehendes, proprie quidem & primario crimen furti, poena nempe ordinaria coercendum; in primo duntaxat ex dictis duobus rem alienam dolose contrectandi modis, qui scilicet dolosa ablatione rei alienæ ex ipsa læsi possessione fit, consistere: cum hæc sola maxime securitatem publicam turbet, quam tanto poenarum capitalium rigore defensam voluerunt leges Teutonicæ. Nilominus cum & altera illa rei ex juxta causa penes alterum existentis, dolosa contrectatio in se sic satis furtiva sit: ordinarium quidem illum poenæ laquei rigorem circa modicam quoque quinque aureorum quantitatem ad furtivas hujus generis contrectationes extendere, noluerunt laudatæ Teutonum leges, eo quod non

non tam publica securitas dictis contrectationibus turbatur, quam fides potius contractuum vel aliud minoris sæpe momenti officium solummodo læditur; poena tamen saltem. mihiore alteram istam furti speciem, quæ sine actuali rei ex alterius possessione ablatione est, plectere voluerunt. Quo fundamento nixus furtum tanquam crimen publicum in foris Germaniæ in duas species dividendum esse arbitror, ordinarium nempe, quod sit dolosa rei alienæ ablatione ex possessione alterius, poena ordinaria coercendum; & extraordinarium seu improprium, quod reus in re aliena, iusta causa & citra ejus ex possessione alterius ablationem a reo detenta, rem dolose intervertendo committit, poena extraordinaria afficiendum.

§. XIV.

De priore specie satis notâ plura dicere haud opus est. Sola altera ex Juris Germanici constitutionibus confirmanda, & ita fundamentum divisionis nostræ vere Juridicum demonstrandum nobis est. Et in jure quidem Germanorum prisco duo reperiuntur textus divisionem hanc egregie confirmantes. Alter in *Land-Recht lib. 2. art. 29.* Wem eines andern Mannes fahrende Habe zuflusst in Wasser/ der soll sich darzu ziehen/ und soll sie jenem wiedergeben/ der soll ihm denn seine Kosten geben/ nach guter Leuthe Rath &c. Leugnet ers aber/ so man darnach fraget/ so ist er ein Dieb. Und ob mans darnach unter ihm findet/ so muß ers wieder geben/ mit Bus und mit Wette, wenn ers dieblich gehalten hat. Keine Dieberey hat er aber erstlich darangethan/ die ihm an seine Ehre/ oder an seinen Leib gehet/ oder an seinen gesund/ denn ers nie dieblich

hen noch raublichen aus jenes Gewehren gebracht. Alter Land-Recht *lib. 2. art. 37.* Was ein Mann findet/ verleugnet er das/ ob man darnach fraget/ so ist es diebisch. Und was so ein Mann findet/ oder Dieben/ oder Feinden/ oder Räubern abjaget/ das soll er aufblethen/ vor seinen nachpauern und vor der Kirchen. *Addit glossa:* diese Dieberey aber gehet nicht an den Hals/ sondern auf Buß. *Ex utroque ergo textu clare liquet, duplicem in eo supponi furti speciem: alteram, quæ sola emendâ & multa, mit Buß und mit Wette/ punienda sit; alteram, quæ capitaliter, die dem Diebe an Ehre und Leib oder an den Hals gehe: illam quando reus rem ab initio iusta ex causa tenuerit, v. g. inventione, expugnatione ab hostibus vel latronibus, postea vero furtim & dolose eam suppresserit, sibi eam retenturus; hanc vero, quando rem furtiva ablatione ex possessione alterius amoverit, wenn er die Sache dieblichen/ oder raublichen aus des andern Gewehren bracht. Posterior species ea ipsa est, quam furtum ordinarium seu primarium, poena furti ordinaria plectendum, dixi: prior vero ideam furti, quod extraordinarium sive improprium vocavi, exhibet, quod, uti textus allegati ostendunt, emendâ & multa vindicabant mores majorum. Ipse CARPZOVIVS *Const. 41. part. 4. def. 5. improprie* saltem furtum committere dicit officialem perfidum per rerum administrationis suæ in proprios usus conversionem: & in *Praxi Criminali Part. 2. qu. 85. no. 1.* factum hujusmodi non veram, sed fictam tantummodo rerum alienarum contrestationem appellat.*

§. XV.

Neque hanc ipsam furtorum differentiam insignem ex oculis dimiserunt Juris Germanici recentioris statores. Jam supra §. II. dixi, constitutionem Caroli V. de depositario, rem fidei & custodiæ suæ commissam furtive contrectante, pœna furti afficiendo, non sine hac ipsa, quam hactenus explicui, distinctione esse intelligendam: eo quod Germani, furta pro diversa eorum quantitate & qualitate modo ultimo supplicio, modo pœnis corporis afflictivis gravissimis ulciscentes, semper non nisi de furtis ordinariis & proprie dictis, quæ uti dictum in ablatione rerum alienarum ex possessione alterius consistunt, istas pœnas voluerint intellectas, ut nempe scelerati, raptu vivere volentes, hincque possessionibus alienis, eoque ipso securitati publicæ subinde infesti, deterreantur à clandestinis pariter & manifestis rerum ab aliis possessorum invasionibus: quæ sane finis male quadrat ad qualemcunque rei alienæ ab ipso contrectante bona fide hactenus detentæ contrectationem furtivam, similiorem sane violationi contractus (si v. g. administrator vel depositarius res sibi concreditas contrectaverit) aut transgressioni officiorum humanitatis (si inventor rem inventam supprefferit,) quam furto proprie dicto. Hinc utut insignem hanc, furtoque utique æmulam perfidiam eorum, qui res alienas bona fide ab initio ab ipsis detentas in proprios usus vertunt & consumunt, ut depositariorum, conductorum, molitorum, inventorum, &c. puniri debere, doceant plerique omnes Juris Criminalis periti: in eo tamen etiam merito consentiunt plerique

rique, cessare poenam ordinariam, quæ nempe quinque solidis Hungaricis læso subtractis, suspendium est, & arbitrariam potius substitui. *CARPZ. Prax. Crim. Part. 2. qu. 85. no. 66. seqq.* Et hac ipsa ratione graviores hujusmodi perfidiæ species, qua quis res alienas, ex possessione alterius non creptas, sed justa causa detentas, in proprios usus converterit & absumserit, furti quidem latius seu genericè sumti crimine contineri asserui, cum leges Germanorum & antiquæ & novæ idem diserte asserant: peculiarem tamen easdem, eamque extraordinariam furti speciem esse, quippe non poena ordinaria, sed extra ordinem puniendam, dictis legibus id exigentibus, judicavi: licet non desint, qui rigorosius, & tere indistincte, poenam ordinariam urserint, seducti legum Romanarum effatis, quæ, prout longe alium in furtis coercendis finem sibi habebant præfixum, solam nempe satisfactionem læso à fure præstandam, vix ullam, præter furti manifesti, & nec manifesti, furtorum differentiam, poenarum respectu agnoscebant *§. J. J. de Obl. quæ ex del.*

§. XVI.

Non tamen id ita intellectum velim, poenam perfidis rerum alienarum sibi conceditarum, vel ex alia justa causa detentarum contrectatoribus infligendam, nunquam ad mortis usque supplicium ascendere posse: cum id potius proprium sit criminibus, nulla determinata poena notatis, quæ extra ordinem punienda esse vulgo dicimus, ut poena varia sit pro circumstantiarum delictum modo gravius modo levius arguentium varietate, quæ reum cujuscunque criminis ex-

traordinarii insigniter scelestum plane ad ultimum condemnare supplicium suadere possunt. Sic & utique in furto in re aliena, justa ex causa hactenus detenta commissio, v. g. à depositario, insignis potest esse diversitas cum intuitu quantitatis depositæ furtive subversæ, quæ adeo ingens esse potest, ut non possit non vel ipsa laquei pœna decerni; tum intuitu personæ, depositarii maxime, ubi quippe ingens differentia est, an ea sit persona publica juramenti fide constricta, an privata. Hac ratione, utut crimen de relictis, quo hi, quorum fidei & administrationi pecunia publica commissæ est, eandem dolose retinent, & intercipiunt, mitius punirent Romani, tertia nempe parte residuæ, quam debent, quantitatis, l. 4. §. 3. ff. ad L. Jul. pecul. longe aliud tamen merito statutum videas in plerisque Germaniæ territoriis, v. g. in Saxonia *Constit. 41. Parr. 4.* ubi quippe furtum administratorum, pecunias vel res fidei & administrationi suæ concreditas in proprios usus convertentium, si centum florenos Misnicos, vel ultra, ex bonis fidei & administrationi ipsorum commissis consumserint, & in proprios usus verterint, pœna laquei; si florenos quinquaginta ad centum usque, pœna fustigationis & relegationis; si infra quinquaginta florenos, carcere vel relegatione temporaria, punire jussit legislator: quem ultimum quidem articulum ita partim mutavit, partim auxit Potentissimus Rex & Elector, in Constitutione novissima, d. a. 1705. *Non anvertrauten Guthe/* ut si administrator fiscum vel res sibi concreditas fraudaverit ultra florenos triginta, ad quinquaginta usque (exclusive,) relegatione perpetua;

tua; fin ultra viginti ad triginta usque, relegatione ad decennium; fin ultra decem ad usque viginti, relegatione ad quinquennium; fin denique infra decem florenos, carcere puniendus sit. Eadem severitate in dicta *Constitutione Elect.* 24. p. 4. nuncio perfido, qui pecunias, quas aliò perferendas acceperit, sive obsignatas, sive adnumeratas, dolose contrectarit, & in suos usus verterit, si ad viginti usque florenos quantitas furtive subversa assurgat, poena laquei, fin infra viginti florenos sit, pro quantitatis illius minoris diversitate, modo fustigationis, modo relegationis, modo carceris poena dictata est. Quem quidem Constitutionis hujus rigorem ad amicum, imo aurigam, qui uterque quippe nuncius haud sit, extendi minime debere, censet BERGERVS *Elect. Jurispr. Crim. cap. 2. no. 10. p. 49.*

§. XVII.

Ita ergo fere de furto extraordinario seu improprio Jure Germanorum statuendum est, puniri illud extra ordinem, regulariter pro arbitrio judicis, pensitatis facinoris circumstantiis; utputa personarum, quæ vel personæ publicæ & juramenti religione obstrictæ esse possunt, vel privatæ; nec non pro diversitate rerum, quæ itidem vel publicæ esse possunt, ut in crimine de residuis, vel privatorum bona; porro pro diversitate quantitatis, iterationis, &c. nisi quidem Constitutio Principis expressa vel ipsam poenam furti ordinariam, vel extraordinariam certam, determinaverit, & judicis adeo arbitrium, à quo regulariter poenæ extra ordinem infligendæ dependent, excluserit; prout uti dictum, in Saxonia factum est, intuitu criminis de residuis, & nunciorum,

ciorum, pecunias quas aliò transferendas acceperint, furtive contrestantium. In aliis itaque furtorum extraordinariorum speciebus, peculiari Principis sanctione haud notatis, arbitrio iudicis pro circumstantiarum varietate poenæ extra ordinem decernendæ determinatio etiamnum relicta esse censenda est.

§. XVIII.

Illud adhuc de speciali ista Saxonum in crimen de residuis animadversione quæritur, an ea, de solo hoc ipso de residuis crimine intelligenda sit, quod nempe uti dictum, est crimen publicum, quo *pecunia publica* ab eo, cujus fidei ea commissa est, surripitur & in usus proprios convertitur, an etiam ad contractus privatorum, quibus alter pecuniarum rerumque suarum custodiam & administrationem alterius fidei committit, eadem extendenda sit? Posterius suadere videtur, partim rubrica allegatæ Constitutionis Saxonicæ, von anvertrautem Gute / quæ satis generalis est, & ad utramque rerum alterius fidei & administrationi concreditarum speciem æque applicari posse videtur: partim ipse Constitutionis tenor: Wurde ein Schöfser/ Verwalter / Voigt ic. oder ein ieglicher ander/ so zu einem Amt verordnet/ und von unsern/ oder eines andern wegen, Geld/ Korn/ Holz/ Getreyde/ und anderes aufzuheben und einzunehmen hat / von den Leuthen mehr annehmen denn er berechnet ic. oder dergleichen Veruntrauung und Betrug gebrauchen/ so uns/ oder unsern Unterthanen, oder andern Leuthen zu Nachtheil/ und Schaden gereicht ic. nec non confirmatio hujus ipsius Constitutionis à Potentissimo Rege anno 1705. facta, & superius jam allegata, qua

qua de iniquis & contra intentionem legislatoris in
 mitiorem partem contortis interpretationibus, darüber
 diese schwere Verbrechen dermassen über hand genommen/
 daß so wohl bey unserer Cammer- auch Steuer- und andern
 Cassen/ als *Privatis*, in kurzer Zeit viele tonnen Goldes ver-
 untrauet / und entwendet worden/ severissime conqueri-
 tur, & in earum locum interpretationem authenticam
 sequentis fere tenoris substituit: daß wenn ein Beamter/
 Steuer- oder Accis-Einnehmer / Casirer &c. oder ein iegli-
 cher/ so zu einem Amte und gewisser Verrichtung, bey wel-
 cher er von unsern / oder eines andern wegen, Geld/
 Korn &c. einzunehmen/ zu verwahren/ oder zu administriren
 hat/ verordnet/ von dem ihm anvertraueten/ etwas unter-
 schlagen &c. oder sonst dergleichen Betrug/ es geschehe auf
 Maaß und Weise wie es immer wolle/ verüben würde/ so
 uns oder unsern Unterthanen, oder andern Leuthen,
 zum Nachtheil und Schaden gereichete &c. *Acedit, quod*
in sequentibus, ubi, restitutionem damni hujusmodi
furto dati, à poena nec laquei nec fastigationis liberare
reum debere, edixerat legislator Serenissimus, iterum
expresse adjiciat: wohl aber/ wenn er (reus) auch am Le-
ben gestraffet/ oder zur Staupen geschlagen/ und so viel in sei-
nem Vermögen vorhanden/ daß unsere Cassen/ oder die
Privati, so bestohlen worden, ihre Wiedervergütung er-
langen können/ daraus völlige Erstattung gethan werden.
Hæc omnia inquam, evincere primo quidem intuitu
videntur, utramque hanc Constitutionem non de solo
publico residui crimine, sed & de quibuslibet simili-
bus privatis privatorum erga se invicem perfidiæ spe-
ciebus, qua res apud se depositas, sibi locatas, vel ad-
mini-

ministratiōni suæ commissas, furtive subducant, intelligendam esse.

§. XIX.

Sed, his non obstantibus, & licet meminerim, non defuisse, qui his argumentis nixi actionem criminalem & Processum Inquisitorium, in causis privatorum, ad poenas dictis Constitutionibus statutas, intentaverint, contrarium nihilominus verius esse sat liquido demonstrari posse putaverim. Etenim utraque Constitutio non solum ejusmodi saltem personarum mentionem facit, quæ in officio publico sunt, & juramenti vinculo illius officii nomine constricti, ne unico quidem in tanto exemplorum expresse allegatorum numero rerum alienarum administratore vel depositario privato, v. g. tutore, institore, depositario, nominato: sed & disertis verbis additur, intelligi debere in officio publico jurisjurandi fide constitutos. Ita enim primo Constitutio Augusti Electoris antiquior: Würde ein Schöfser/ Verwalter/ Voigt/ Vorseher/ Gleitsmann/ Baumeister/ Bauschreiber/ Zöllner/ Förster/ oder ein ieglicher ander/ so zu einem Amt verordnet, &c. Et clarius dein Constitutio Augusti Regis declaratoria: Sezen/ ordnen/ und wollen/ daß wenn in Zukunft/ ein Beamter/ Steuer/ oder Accis-Einnehmer/ Casierer/ Schöfser/ Verwalter/ Schichtmeister/ oder anderer Bergbedienter/ Bergmann/ Voigt/ Vorseher/ Gleitsmann/ Baumeister/ Bauschreiber/ Zöllner/ Förster/ oder ein ieglicher/ so zu einem Amte oder gewisser Verrichtung, bey welcher er von unsern/ oder eines andern wegen/ Geld/ Korn/ Holz/ Getreyde/ und anderes/ einzunehmen/ zu verwahren/ und zu administriren hat/ verordnet, und

und deßhalber in Pflicht genommen. Ubi quidem parum refert, an immediate principi, an alii, v. g. municipio, seu civitati, aut senatui oppidano, officio publico, & juramento ejus nomine præstito, sit obstrictus: Et hoc est quod additur: so zu einem Amte und gewisser Verrichtung/ bey welcher er von unsern/ oder eines andern wegen, Geld oder anders zu verwahren/ oder zu administriren hat/ verordnet/ und deßhalber in Pflicht genommen, quod sane ad privatorum contractus quoscunque privatos, quibus alter alteri rerum suarum custodiam vel administrationem solo contractu mandat, vel opus perficiendum locat, applicari nullo modo potest. Nec contrarium inde evincitur, quod Rex Potentissimus conqueratur: daß so wohl den Cammer-Steuer und andern Cassen/ als *Privatis*, viel tonnen Goldes veruntrauet worden/ nec non prohibeat omnem poenæ laquei vel fustigationis remissionem, wenn auch gleich die Königlichen Cassen/ oder die *Privati*, so bestohlen worden/ ihre Wiedergewinnung erlangen: Cum enim, uti dictum, solos in officio publico constitutos, & jurejurando eo nomine adstrictos, Constitutio utraque concernat: de subditis, aliisque privatis, qui ab officialibus istis contra fidem officii & juramenti sui læduntur, dicta verba manifeste satis intelligenda sunt, quando scilicet, uti sunt ipsius Constitutionis verba: ein Beamter/ Steuer- oder Accis-Einnehmer u. von den Leuten mehr an Zinsen/ Schulden/ Lehnwahr/ und dergleichen einnimmet/ denn er berechnet in Verkauffen und Kauffen/ Verleypen und Ausmessen/

D

un-

unrechten Scheffel und Maaf gebräuchet/ *rc.* Sic etiam patet vera & iusta tanti in punienda hac furti, quantumvis extraordinarii, specie, rigoris ratio, quæ, iudice BERGERO *Elect. Jurispr. Crim. pag. 50.* est criminum in hoc tali facinore concursus, puta, furti, perjurii, falsi, perfidiæ, peculatus; qui contra in administratoribus aut depositariis perfidis privatis haud occurrit.

§. XX.

Restat, ut exemplo uno atque altero rem illustremus. Dederat mercator opifici materias crudas, sexaginta Imperialium pretio æstimatas, ut ipsi inde conficeret opus, (46. Stück fein Barn/ und 1. 15. 24. Loth Aurora Seyde/ zusammen 60. Rthl. werth/ um daraus seine Baracan zu fertigen) Opifex materias illas vel merces contrectaverat, vendiderat, & in proprios usus verterat. Mercator, partim legibus Civilibus, partim Constitutionibus Saxonis hactenus allegatis, partim Constitutione Criminali Carolina art: 170. nixus, furtum id esse ratus, denunciando facinus deferbat ad iudicem, ut ille procederet ex officio, & petebat, ut reus puniretur secundum *Const. 41. part. 4.* & actori merces, vel earum æstimatio, adjudicaretur. Iudex officii sui (secundum *Ord. Proc. Sax. Recogn. Tit. V. §. 1.* ubi vitia libelli & petiti corrigere jubetur) memor, citationes emiserat ad partes, & reo litis contestationem injunxerat. Actor pridie termini præfixi, literis ad iudicem datis, declarabat, noluisse se actionem civilem, sed factum denuntiasse, ut iudex inquireret ex officio. Cumque in termino non compareret, & reus com-

comparens ejus contumaciam accusaret, pronuntiavit Facultas Juridica Lipsiensis: daß Kläger die Unkosten des Termins Beklagten abzustatten/ und seine fol. I. angestellte Klage/ binnen Sächsischer Frist/ bey deren Verlust/ und daß er damit ferner nicht gehöret werden solle/ fortzustellen schuldig. *Menf. Jun. 1728.* quæ ipsa sententia, rejecta appellatione interposita, à Summo Appellationum Senatu Dresdensi confirmata est. Sane hic ne quidem ad furtum, cujus actor reum arguebat, respectum fuit: tantum abest, ut pro ea, de qua Constitutiones Saxo-æ hætenus allegatæ loquuntur, specie furti, poenis in dictis Constitutionibus statutis extraordinariis sub-jecti, habitum fuerit: licet id actor & in denuntiatio-
ne sua, & in literis ad judicem datis, & in appella-
tionis schedula, perpetuo & unice urgeret, causam inter-
ferens favorem commerciorum, & imprimis fabrica-
rum, ad quarum incrementum multum conducturum,
ajebat, si furtivæ opificum contrectationes materiarum
aut mercium ipsis conceditarum poena publica coër-
cerentur.

§. XXI.

Majoris momenti casus intuitu institoris, qui do-
mino seu exercitori negotiationis seu tabernæ, ex mer-
cibus, pecuniis, & rationibus, fidei & administrationi
suæ commissis, ultra duodecim millia thalerorum fur-
tive subduxerat & mala fide consumserat, ventilatus
fuit. Ubi primo quidem quæsitum est, cum reus sa-
larii loco quotam ex lucro perciperet, imo conventum

esset, ut reus loco certæ quantitatis, juxta operas suas in negotiationem communem inferendæ, ejus quantitatis usuras quotannis inferre in negotiationis communis rationes teneretur, utrum pro institore, annon potius pro socio haberi debeat? & si pro socio, an socii perfidia in negotiatione communi pro furto sit habenda, & annon potius socius socio actione pro socio civili tantummodo teneatur? Respondit Facultas Juridica Wittenbergensis anno 1704. sive institor sit, sive socius, unum idemque Juris esse, cum & socius in re communi furtum faciat, *l. 45. ff. pro Socio l. 45. ff. de furr.* Cumque quantitas furtive subversa sit prægrandis, & reus indiciis sufficienter gravatus: hunc ad inquisitionem & pœnam recte pertrahi. Differt itaque hic casus à præcedente, quod in præcedente persecutio, quæ petebatur, criminalis plane rejecta, in hoc vero casu utique asserta fuerit. Nam ut in utroque furtum, improprium tamen & extraordinarium, Germanorum Jure pœna extraordinaria puniendum, subsit: priori tamen casu quantitas rerum subversarum non adeo grandis, posteriori vero prægrandis utique erat: priori casu reus nullis præter solam actoris assertionem, indiciis gravatus erat, & corpus delicti deerat; posteriori utrumque secus se habebat. Furtum vero, quod posteriori potissimum casu subsuit, extraordinarium saltem esse, pœna saltem extraordinaria coercendum, non obscure verba ipsius Responsi innuunt: Dann im gegenwärtigen Fall um desto

we-

weniger zu zweifeln / (quod persecutio criminalis locum habeat) als Sempronii Unterschlag sich auf ein sehr hohes erstrecket / so wohl dießfalls ein richtiges Corpus delicti, und gnungsame indicia vorhanden / und daß / auch extra Saxoni- am, Procuratores, Institores und dergleichen Leute / so die ihnen anvertraute Gelder veruntreuet / und in ihren Nutzen verwendet / poena furti, wiewohl *extraordinaria*, zu belegen / die bewährteste Rechts-Lehrer einmüthig statuiren; So erscheinet daraus allenthalben so viel, daß wieder Sempronium die Hafft und Inquisition allerdings statt habe. **W. R. W.** Et adhuc clarius J. Cti Rostochiensis in eodem hoc casu consulti, responderunt; Weils aber doch die Administration der entwendeten Sachen Inquisito anvertrauet worden / da es dann heisset / quod administratio mitiget poenam: Propter admissam enim administrationem hi, quibus ea commissa, non tam invito domino rem contrectare, so doch *pr. J. de Obl. quæ ex delict. l. 12. ff. d. furt.* erfordert, quam perfide agere videntur, *l. 35. ff. d. administr. & peric. tutor. CARPZOV. lib. 2. qu. 85.* so halten wir poenam iustigationis vor genug. **W. R. W.** An vero hoc casu specialis illa Constitutionis Electoralis 41. p. 4. & regiae d. anno 1705. poena, qua reus convictus, excluso iudicis arbitrio, laquei subire supplicium debuisset, locum habitura fuisset, cum reus defensione sibi concessa, corporis delicti certitudinem labefactaret, plurimæque indicia, quæ ipsum ad torturam gravare videbantur, declinaret, hinc à Scabinis